

Hset piq da Jon

Bàu hmàih

¹ Wì craq , achìh dèh ka Gai-ut , aih mangai au ma camet ,ma loq waq dèh ta bàu joq qnàng .

² Ê daq au ma loq waq deh , au waiq khàn ka ìh jah padrõng rìm trong ,jah tadêh enh chac hamac tiah ka ìh khoe jah padrõng ta mahua yiang . ³ Au diq jaq lem bùi jò wì oh daq trùh tacô anoe ìh loq camet ka bàu joq qnàng , ìh khoe broq tiaq bàu aih qmang leq cadèh . ⁴ Au pi i cleq bùi yeo loe ka jò au jah tàng dèh kon broq tiaq bàu joq qnàng .

⁵ Daq au ma loq waq dèh , ìh ùh tablòq manoh cliac ta rìm trong ìh ma patìh ka wì oh daq , yac ka wì haq aih tamoe trùh đeh enh hangai . ⁶ Wì haq khoe anoe hlài kan loq waq da ìh enh ngèa ka Tagop Hadròeh . Ìh broq qmòe ka geo jò ìh wiang hanò ka biac lam trong da wì haq waq qmòe cajah taji ka Boc plinh ma aih lem joq qnàng . ⁷ Majah qmang aih wì haq loh lam ka yiniq Chuaq Jesus Chirst , wì haq ùh jah qmòe cleq enh wì mangai enh gùng . ⁸ Bèn khòh đìh yòc bài mangai qmang aih , dōq bèn xam wì haq hadai jah wiang patih ka bàu joq qnàng .

⁹ Au khoe achìh ka Tagop Hadròeh , mahaq Đìôtrep aih mangai enh yòng broq gàu Tagop Hadròeh ùh dì bàu nhèn . ¹⁰ Qmang aih èh jò au trùh , au anoe qnoh dōng bài kan qmèq haq khoe broq , aih haq yòc bàu ngang dù òeq capoch tablêq ka nhèn . Ùh xài toq aih hi hêq , oh daq trùh haq ùh đìh , tàng i cabô enh đìh yòc oh daq , aih haq ùh lòh wì rai hnan qnoh đac wì aih loh enh gùng ka Tagop Hadròeh . ¹¹ Ê daq da au ma loq waq deh , apaq top dua trong dù mahaq top dua trong lem . Cabô broq trong lem aih mangai da Boc Plinh ; mangai ma broq trong dù , ùh jò leq jah hnoq Boc Plinh . ¹² Rìm ngai diq capoch lem ka Đêmêtriu , bàu joq qnàng hadai panhìn qmang aih , cla nhèn hadai wiang anoe lem ka haq , ìh loq bàu da nhèn aih joq qnàng . ¹³ Au oe i bàc yiniq enh achìh ka ìh , mahaq au ùh enh achìh xi long achìh xi mùc : ¹⁴ au toq ngèh ka rênh jah trùh hmàih ka ìh dōq ba jah tangèa hu hatuàng ti dabau . ¹⁵ waiq kan catèm jah oe ti ìh ! Bài bua bèn tacô tanap bàu hmàih ka ìh . Tanap bàu hmàih tiaq qmòe yiniq oh daq tang ngai oq .